

## **Kalaallit Nunaanni teriannissat eqqissimatitaanerat pillugu Namminersornerullutik Oqartussat nalunaarutaat nr. 20 ulloq 17. maj 1989-imeersoq Atuussimasoq (Historisk)**

Kalaallit Nunaanni pinngortitamik allanngutsaaliuineq pillugu Inatsisartut inatsisaanni nr. 11-mi ulloq 12. november 1980-imeersumi § 2 aamma § 19 naapertorlugit makku aalajangersarneqarput:

§ 1. Terianniaq (Alopex lagopus) Kalaallit Nunaanni inunnit akuerisaasumik aallaaniarnermut allagartalinnit kiisalu Kalaallit Nunaanni najugaqavissunit piniacquusaavoq.

§ 2. Teriannissat piffissami 15. maj - 15. september eqqissimatitaapput.

§ 3. Timmiarsiutit, qoorortuuaqqat aamma qoorortuut nalinginnaat teriannianik piniarnermi atoqqusaapput. Sakkut eqqarasuartaatit eqittaannartakkallu atoqqusaanngillat.

*Imm. 2.* Taamaallaat piniutit (pullatit il. il.) ingerlaannarlutik teriannianik toqtsisussanngorlugit sanaat atoqqusaapput.

*Imm. 3.* Pullatit il. il. narajaat timmissanit tigutsisilinnit imaaliillaannaq mikinneqarsinnaajunnaarlugit inissinneqarlutillu taluneqartassapput.

§ 4. Piniutit il. il. piffissap eqqissimatitsiviup nalaani atorsinnaassanngillat.

§ 5. Qamutit motorillit snescooterit ilanngullugit teriannisanik piniarnermi atoqqusaanngillat.

§ 6. Siunertanut ilisimatusarnermut allanullu tunngasunut atatillugu Naalakkersuisut immikkut akuersissutigisinnaavaat nalunaarummi matumani aalajangersakkat sanioqqunneqassasut.

§ 7. §-ini 1-imiit 5 ilanngullugu aalajangersakkat unioqqutinneqarunik akiliisitaassutaasinnaapput kiisalu pisanik piniutinillu arsaarinnissutaasinnaallutik.

§ 8. Kommunalbestyrelsep aamma kommunemi nakorsaanerup inassuteqarneratigut Naalakkersuisut aalajangersinnaavaat kommunemi piffissaq eqqissimatitsivik atorunnaarsinneqassasoq.

*Imm. 2.* Kommunit ileqqoreqqusaat nalunaarut una tunngavigalugu akuersissutigineqartut Naalakkersuisunit atortussanngortinneqartassapput.

§ 9. Nalunaarut ernerluni atortuulerpoq, peqatigitillugulu makku atorunnaarsinneqarput:

1) Terianniat eqqissimatinneqarnissaannik landsrådip ileqqoreqqusannngortitaa ulloq 12. februar 1960-imeersoq.

2) Teriannianut nerlersuiffiuteqarnermut atatillugu teriannianik kisermaassilluni piniarsinnaatitaanermik landsrådip ileqqoreqqusaliaa ulloq 23. oktober 1961-imeersoq.

3) Terianniat eqqissimatitaanerata atorunnaarsitaanissaanik landsrådip ileqqoreqqusaa ulloq 13. juni 1967-imeersoq.

4) Kalaallit Nunaanni terianniarniarnermi kiisartunik atuineq pillugu aalajangersagaq ulloq 9. februar

1938-imeersoq.

5) Scoresbysundip Ammassallullu pigisaanni piniarnerup aallaaniarnerullu killilersugaanissaannik nalunaarummi ulloq 23. juni 1958-imeersumi ulloq 1. april 1965 allannguuteqartinneqartumi § 2, § 7 aamma § 9.

6) Thulep pigisaani terianniat eqqissisimatitaanerannik landsrådip ileqqoreqqusassiaa ulloq 25. marts 1966-imeersoq ulloq 15. maj 1979 allannguuteqartinneqartoq, aamma

7) Daneborgip Danmarkshavnillu eqqaanni terianniarniarneq pillugu nalunaarut ulloq 3. juni 1948-meersoq.

8) Thulep timmisartunut mittarfiata eqqaani piniartarnissamik nalunaarut ulloq 14. april 1958-imeersoq.

*Imm. 2.* Kommunit ileqqoreqqusaliaat allakkialluunniit saqqummiussimasat terianniat eqqissisimatinneqarnissaannik landsrådip ileqqoreqqusannngortitaa ulloq 12. februar 1960-imeersoq aamma terianniat eqqissisimatitaanerata atorunnaarsitaanissaannik landsrådip ileqqoreqqusaa 13. juni 1967-imeersoq naapertorlugit atortuulersinneqarsimasut nalunaarut una naapertorlugu allanngortinneqarnissamik atorunnaarsinneqarnissamilluunniit tungaanut atortuinnassapput.

*Namminersornerullutik Oqartussat, ulloq 17. maj 1989.*

Jonathan Motzfeldt

/

Aqigssiaq Møller